

I. N. S. S. T. D. P. F. Et S. S.  
DISSERTATIO PHILOSOPHICA,  
PRÆCIPUAS CAUSSAS  
DECRESCENTIS NUMERI  
**STUDIOSORUM**  
IN  
ACADEMIIS ET SCHOLIS  
PLERISQUE  
BREVITER EXPOENS,

---

QUAM  
Consens. Ampliss. Senatus Philosophici In Regio Ad  
Auram Athenæo,  
PRÆSIDE

MAG. JOHANNE  
BILMARK,

HISTOR. AC PHIL. PRACT. PROFESSORE ORDIN.  
Pro Summis in Philosophia Honoribus obtinendis

*Publico examini modeste subjicit*

**FRIDERICUS HEDBERG,**

V. D. M. OSTROBOTNIENSIS.

In Auditorio Majori Die XII Decembr. MDCCCLXX.

H. A. M. C.

---

A B O Æ

Impressit JOH. CHRISTOPH. FRENCKELL.

VIRO Maxime Reverendo atque Celeberrimo,  
**D:NO PETRO KALM,**  
S. S. Theologie DOCTORI, Oeconomice PRO-  
FESSORI, nec non Regiae Academice Scien-  
tiarum Holmensis MEMBRO,  
MÆCENATI MAGNO.

Huid mediocri perfundor lætitia, quod dies maxime  
optatus jam elucescat, quo mentem illam venerabun-  
dam, qua diu Te, MÆCENAS MAGNE, prosecutus  
sum, declarare liceat. Facile autem, sicut insignis Tua est  
comitas, potes exorari, ut finas inclytum Tuum Nomen  
buic Dissertatiunculæ, nihil splendoris, parumque dignitatis  
habenti, præfigi. Ad hoc enim faciendum allexit me fa-  
vor Tuus plane singularis, alleixerunt innumera beneficia,  
quibus hoc tempore memet cumulare dignatus es. Video i-  
gitur quantum Tibi, MÆCENAS, debeam; sed quid re-  
pendam, non video. Attamen, ne in ingrati notam incur-  
ram, pagellas has, qualescumque demum sint, in signum  
gratissimi animi Tibi consecratas esse volui. Adspice igi-  
tur, MÆCENAS MAGNE, munusculum hocce levissimum  
bilari, ut soles, vultu, meque eodem, quo hucusque, in po-  
sterum etiam amplectere favore. Ego vicissim nunquam  
intermittam, vota fundere calidissima, dignetur Summus  
rerum omnium Arbitr Te, MÆCENAS MAGNE, so-  
spitem atque incolumem præstare, usque dum Ecclesiæ, Pa-  
triæ, Rei Litterariæ, Familiæ, quin & clientibus Tuis  
satis vixisti. Sic vovet vovebitque ad cineres usque per-  
mansurus

Maxime Reverendi NOMINIS TUI

Cultor humillimus  
FRIDERICUS HEDBERG.

*Admodum Reverendo atque Praeclarissimo,*  
**D:no Mag. GUST. HAARTMAN,**

Ecclesiarum, quæ DEO in Loimijoki colliguntur, Pastor & Præposito Meritissimo, Avunculi loco ad urnam usque pia mente venerando.

*Admodum Reverendo atque Praeclarissimo,*  
**D:no ANDREÆ GADOLIN,**

Animarum, quæ DEO in Bjernå colliguntur, Pastor & Præposito Meritissimo, Avunculo omni animi observantia semper suspicioendo.

*Admodum Reverendo atque Praeclarissimo,*  
**D:no Mag. GUSTAV. JUSLENIO,**

Parœciae Kronbyensis Pastor Laudatissimo, Præpositoque Vigilantissimo, Fautori ad cineres usque reverenter colendo.

*Plurimum Reverendo atque Praeclarissimo,*  
**D:no JOHANNI HAARTMAN,**

Pastori in Wôrå Meritissimo, Avunculo quovis honoris cultu semper prosequendo.

*Plurimum Reverendo atque Clarissimo,*  
**D:no JONAE SPOOF,**

Sacellano Storkyroënsi Dignissimo, ut quondam Informatori meo Accuratissimo, ita nunc Fautori Honoratissimo.

In tesseram gratissimi ac venerabundi animi cum omnigenæ felicitatis voto hasce pagellas dicat offertque

**Praeclarissimorum NOMINUM VESTRORUM**

*devotissimus cultor*  
**FRIDERICUS HEDBERG.**



## PRÆFATIO.

Geminas flamas geminorum juvenum, HELENAE que Fratrum capita adlambere olim visas, miram tranquillitatem Argonautis subsecutam fuisse, res est a Poëtis admodum celebrata; indeque ab his sua luce benevola ac fausta navigantibus creduntur sidera. Sed quorsum hæc? Num figmentis quantumlibet annosis aliqua fides est habenda? Nec *Cypri potens Domina*, nec *Castor & Pollux*, lucida illa sidera, cymbam nostram ad desideratum felicitatis portum deducere possunt. Aliis omnino opus est rectoribus, ne a vera declinemus loxodromia. *Sapientia & Virtus* sunt gemini illi Duces, quorum opera & ductu navigando inter sœvos & decumanos miseriarum fluctus exoptata littora attingere possumus. Primas heic merito deferimus *Sapientiae*, sine qua virtus ipsa nulla est. *Illa* enim est, qua verum a falso & bonum a malo distingvimus: *illa* est, quæ velut ignis in altum tendit, & in Divina non tantum versatur aula, sed pietatis etiam ac benevolentiae lumen in mortalium animis accendit, ab omnis generis vitiis avocat, & turpia vitare, & honesta præstare docet. Sed intellectus humanus a natura variis laborat morbis, adeo ut sine prævia institutione ad veritatem liquidam non perveniamus. Quocirca quum plerisque hominibus sit angusta res domi, iidem nullo pignore prudentiores sic sibi devincire possunt, ut in adyta scientiarum admittantur: igitur in cognitione variarum rerum acquirenda plurimi vel deficerent, vel a limine tantum

tantum Musas salutarent. Ignorarent proinde multi,  
 tum quæ sint ipsorum præsertim in casibus dubiis officia,  
 tum etjam quomodo commodiorem vitæ rationem im-  
 petrare possint. Quod perpendentes REGES nostri Cle-  
 mentissimi, aliique Principes, Patriæ Patres optimi,  
 Scholas & Academias initiuendas curarunt, quibus præ-  
 fecerunt Viros probatæ eruditionis ac virtutis, qui Ju-  
 ventutem, sciendi avidam, in disciplinarum stadio dedu-  
 cunt, justaque propterea stipendia, ne aliis inserviendo  
 sibi desint, concedunt. Quæ quidem Regia instituta  
 quum & præclara sint, & in omnem ætatem utilia,  
 sinistrum valde videtur portentum, dum subsellia Aca-  
 demiarum & Scholarum vel vacua sunt vel raros ad-  
 modum sustinent auditores. Sicut enim in defectu So-  
 lis partes quædam terræ spissis involvuntur tenebris; ita  
 deficiente in Scholis & Academiis Studiosorum nume-  
 ro, periculum quoque est, ne ingenui simul deficiant  
 cives. Periclitatur enim ipsa sanctissima Religio, quip-  
 pe cuius & cognitio & exercitium per seminaria erudi-  
 tionis modo memorata promovet. Appropinquare  
 videntur funesta illa tempora, quæ generi humano de-  
 nuntiavit Propheta AMOSIUS in Cap. VIII:vo com.  
 12: *Currēnt populi ab uno mari ad aliud, ut audiant ver-  
 bum DEI, nec quisquam tamen erit, qui illis hoc annun-  
 tiat.* Ferocilitatur ipsa socialitas, basis omnium imperio-  
 rum, dum Scholæ & Academiæ contemnuntur & do-  
 mestica prævalet disciplina: nulla enim amicitiæ vincula inter  
 juvenes paris ætatis necuntur, communia studia nullam  
 pariunt necessitudinem, quavis cognatione firmiorem  
 & ad extremum vitæ halitum duraturam: sed juvenes,  
 dum lares relinquunt paternos, in publicum prodeunt sui  
 pleni, ut quantocuyus munera capescant, in quibus au-  
 toritatem in æquales exerceant, nec humani nec hu-  
 manæ conditionis expertes, virtutem in grayi cerimo-  
 niarum

niarum quarundam exercitio positam esse sibi persuadentes. Hæc sunt præcipua incommoda, quæ decrescentem studiosorum in Scholis & Academiis numerum comitantur; quamobrem quum fere communis per Patriam nunc sit querela, rariores utrobique impræsentiarum esse Musarum alumnos, causas hujus defectus bona cum venia Lectorum hisce pagellis evolvere atque exponere conabimur.

## §. I.

Neminem adeo vel fœcordem vel ab omni aequitate alienum futurum existimo, ut caussam defectus modo memorati quærat in Augustis Scholarum & Academiarum Statoribus. Reges enim nostri Clementissimi non solum omnem adhibuerunt curam, ut Doctores idonei, hoc est, eruditæ, laborum patientes, moribus graves, nec non experientia & bene merendi studio incliti vacuis muneribus præficiantur, sed etiam eadem his stipendia, quæ Antecessores obtinuerant, indulserunt, eademque subinde auxerunt. Esto, quod minerval hoc alicubi minus sit lautum, postquam pretia omnium fere mercium nostro ævo increverunt, attulit tamen & huic difficultati medelam provida Superiorum cura, clementissime jubentium, ut eorum, qui erudiendæ pubi patriæ operam suam impendunt, præcipua ac tempestiva habeatur ratio. Eum quoque in finem annos meritorum duplicare plerisque conceditur, ut sic citius, quam in aliis muneribus exoptatum, ante ingravescensem senectutem, obtineant vita sustentandæ allevamentum. Præterea ipsis Constitutionibus Academicis & Scholasticis idem etiamnum, ac pridem, constat vigor. Quid? Quod si ipsa litterarum cultura aliquam valde necessariam mutationem induxerit, certe in incrementum disciplinarum

& commodum Studiosorum ipsæ sunt emendatae. Ade-  
de, quod decrescentis Studiosorum numeri caussæ a  
temporibus remotissimis non sint arcessendæ; nisi enim ad-  
modum fallor, initium hujus epochæ triginta annos vix  
transgreditur; qua scilicet tempestate Scholæ & Acade-  
mæ æque laborabant alumnorum nimio numero, ac  
nunc paucitas in illis animadvertisit.

## §. II.

Post introductam Religionem Evangelicam ampli-  
orem quidem & adcuratorem officiorum cognitionem  
obtinuerunt cives, adhuc tamen vitam sustentandi ad-  
minicula fuerunt admodum pauca. Qui enim nobili  
stemmate sati, nec non plerique eorum qui ad stivam  
nati erant, florentis juventutis annos in castris transege-  
runt. Enimvero quum isthac vitæ ratio, qua inter  
extrema quævis vitam traxerunt homines, hoc secum  
incommodi ferat, ut ferociores reddantur, quippe qui  
ad imminentia quotidie pericula, in præliorum ancipiti  
alea obversantia, semper erunt parati; quamobrem mi-  
nus mites fuerunt priorum sæculorum mores. Ceteri,  
qui pacifico erant ingenio, & a truculentis illorum ab-  
horrebat exercitiis, per culturam litterarum ad honoris  
culmen eniti conabantur. Et quum horum parentes,  
saltē plerique, iis opibus non fuerunt instructi, ut domi  
pedagogiam instituere potuerint, in maximo posuerunt  
lucro, filios suos ad Scholas publicas primum, & deinde  
ad Academias mittere, ut non tantum solida ibi e-  
ruditionis fundamenta ponerent, sed & tamdiu hec  
commorarentur, donec cum suo & Patriæ commodo  
muneribus admoverentur. Præterea quum Patres No-  
bilium adolescentum castra Regum jugiter sequerentur;  
id quod de aliis etiam valet, & proinde filiorum suo-

rum institutioni vacare ipsi non possent, consaltius duxerunt  
 gnatos in publicam disciplinam mittere, quam educationis curam Matrum indulgentiae aut directioni relinquere. At postquam Mavortius ille gentis Hyperbo-  
 reæ genius cum Rege gl. m. CAROLO XII deferibus-  
 set, myltiplicique experientia didicissent Patres, quod  
 & vinci & vincere sæpe luctuosum sit, redditia Patriæ  
 & pace & libertate, artes manuariæ sunt introductæ,  
 commercia promota, res metallica magis exculta, qui-  
 bus plura & lucrosa & satis commoda exstiterunt vitam  
 sustentandi adminicula. His lætior facta est Patriæ faci-  
 es, liberior pecuniarum circulatio exstisit, & redditus fa-  
 miliarum necessariis impensis responderunt. Quocirca  
 quum per artes modo memoratas filii, etjam nondum  
 ephebi, victum & amictum sibi comparare, & si opifi-  
 ciis infudare jugiter pergerent, ad opulentiam quoque  
 sensim pervenire possent; multi parentes se filiis suis o-  
 ptime prospexisse crediderunt, si ipsos ad officinas po-  
 tius, quam ad Scholas & Academias mitterent; quuni  
 in illis necessaria vitæ adminicula ipsi sibi statim com-  
 parare possint, dum hi contra, qui per eruditionis pa-  
 lœstram altiores honorum gradus petunt, totum sæpe  
 in itinere consumunt patrimonium, & ingravescente ta-  
 men ætate, nec splendidam nec commodam satis degunt  
 vitam. Quare si filioli a Pædagogo domi didicerint pri-  
 ma Religionis nostræ, morum & Arithmeticæ princi-  
 pia, nec non artem pingendi litteras, ex mylitorum pa-  
 rentum persuasione filii, hac cognitione imbuti, munia  
 sua absque operosa difficultate expedient, nec opus pu-  
 tant, ut ad publicas Scholas tempus disperdant. Præter-  
 ea opulentia parit luxus, ex quo existit mollities, qua  
 non permittit, ut parentes cara a se dimittant pignora,  
 rigidiori disciplinæ publicæ adsufacienda. Nec deni-  
 que reticendum, quod in majoribus fabricis plerumque  
 sint

Sint pædagogiæ, quibus fit, ut numerus Studiosorum in publicis Scholis subinde decrescat.

### §. III.

Quamvis sapientia ac virtute nihil pulchrius aut amabilius in sphæra sublunari inveniatur, ea tamen est humanæ naturæ indoles, ut in doctrinæ atque virtutis studio segnem admodum & remissam fese præbeat, nisi externis incitetur veluti stimulis. Contra ea si proposita sint industriae præmia, si adsit laborum certa merces, quanti vel Herculei labores, quos non adgrederetur ingenuus quilibet & salutis suæ studiosus. Enimvero si optata laborum præmia futuro demum & quidem remotissimo tempore exspectari queant, aut si eadem æque pateant ignavis ac maxime industriis, tum quia nihil dare censetur, qui munera tardat, ista præmia parum valebunt, ad permovendos juvenes, etiam sciendi cupidissimos, ut Scholas & Academias non prius deserant, quam justam eruditionis supellectilem sibi comparaverint. Horum veritatem sicut nemo non agnoscit, ita urgebit, quod si ex contrariis rationibus numerus Studiosorum in Scholis & Academiis imminuat, eadem in Patriam dulcissimam non quadrent. Novi equidem quod ex promotionis ad honores regulis, quæ vi Constitutionis Regiæ de munerum in Patria distributione (Tjenstebetänckandet de Anno 1756) observantur, omnes illi, qui ordine Ecclesiastico comprehenduntur, jure meritoque sint exempti; nihil tamen minus plurimos audivimus questos, merito an immerito non nostrum est discernere, quod a muneribus non alia de causa fuerint exclusi, quam quod pauciores, quam reliqui candidati, ostendere possent canos. Si autem non semel modo iterumque, verum plerumque contingere,

ut munera illis distribuantur, non qui ceteris aut prudéntiores aut modestiores, sed eis qui ceteris diutius in aliquo fuerunt munere, qualescunque fuerint dum illud sunt adgressi & qualitercunque illud administraverint, suffflaminantur studia litterarum, quum munera non tam sint bene meritorum incitamenta, quam potius emeritorum stipendia, juvenesque ceteratim deferent Scientiarum templa, antequam vel primoribus labris disciplinas degustarunt, ut vel Collegiis, Militiaeve mature adscribantur, vel muneri Sacerdotali quantocytus sese adplicant. Meritis enim sat graves sunt, si vel nihil agendo vitam traduxerint, modo longam annorum seriem in munere utcunque transactorum exhibere queant, præfertim quum quisque habilis censeatur, donec inhabilis esse probetur.

#### §. IV.

Quamvis ex tenore Constitutionum Academicarum illi, qui solida adeo in scientiis posuerunt fundamenta, ut digni censeantur, qui gradum sive Magisteriale sive Doctorale capessant, de prærogativa munerum sibi gratulari debeant; docet tamen experientia, quod pauci ad fruitionem jurum sibi debitorum pervenerint. Tros enim Rutulusve quis fuat, nullo fere discrimine habetur. Quæ omnia aliter olim fuerunt. Haud ita pridem enim Magistri ex Academiis ad egregia in provinceis munera evocabantur; quamobrem etiam confortio Musarum tamdiu utebantur, donec eam tam in studiis quam in moribus consecuti fuissent maturitatem, quæ probatos decet viros. At nostro tempore Magistrorum nomen in defvetudinem fere abiit, ut & oleum & operam se perdidisse multi querantur, qui tempus & majorem patrimonii partem in Academiis con-

consumunt; quippe qui post exantatos labores Academicos inde incipere coguntur, unde ante plures annos merita ordiri potuissent. Quis enim nescit, quod hodie infrequens non sit, ut Magistri tandem evadant Præpositorum, Ecclesiae Pastorum, quin & Adjunctorum Adjuncti & Pædagogi, exiguaque obtineant stipendia. Quum igitur Pallas indefessis etjam procis non maiores adferat dotes, quis amplius miretur, quod studia nunc non maturentur sed præcipitentur, vel quod honores Magisteriales sensim negligantur, juvenesque sine publicis quibusdam speciminius ex Academias properent. Quid? Quod ipsi, sic dicti Magistri Docentes, qui Professoribus adjumento sunt in studiosa Juventute Academica rite instituenda, simplices tantummodo meritorum annos computent, dum illi contra, qui pubem Scholasticam erudiunt, duplices numerant; quamvis multo operosior sit labor eorum promovere studia, qui progressus in litteris dudum fecerunt, quam illos instituere, qui in elementis harent. Aliis igitur discernendum relinquimus, an non æquum esset, ut par ad minimum foret utrorumque meritorum ratio; alioquin ipsi discipuli intra paucos annos Magistros suos meritorum gloria exsuperant, quamvis utrique suo satisfecerint officio. Addo, quod sicuti recentiori ævo commodior facta est vitæ ratio; ita quoque plura introducta sint præsertim in Ordinem Ecclesiasticum nova munera, veteribus ferme ignota, siquidem quilibet ferme ordinarius Ecclesiae Minister suo gaudeat vicario; quamobrem numerus etjam Studiosorum ad Academias decrescit. Denique genius ille Oeconomicus, qui apud nos invaluit, non patitur, ut quis contubernio Musarum diu utatur; quum jam non queratur quam Litteratus aut generosus quis sit, sed quam pecuniosus; multique parentes exoptent, non ut liberi ipsorum do-

cti evadant, id quod dedecus ferme putant, sed bene  
morati, hoc est, in frivolis quibuslibet artibus & exerci-  
tiis sint versatissimi.

## §. V.

Blanda sequioris temporis halcyonia, quæ utinam  
ad seros usque nepotes sine ulla continuent nebulis,  
multum quoque contulerunt ad decrementum Studio-  
rum in Scholis & Academiis. Paradoxon admodum  
hoc primo videtur intuitu, re autem penitus perpensa,  
sententia nostræ veritas constabit. Inter pacis enim o-  
livas germinant publica commoda & plures vitam su-  
stentandi modi reperiuntur: crescit igitur luxus, quo  
ingravescere, commodiorem vitæ rationem sectantur  
cives, Hinc oritur mollities in liberos, quæ non per-  
mittit, ut Parentes cara pignora ad Scholas & Acade-  
mias mittant, sed ex his sapientiae delubris domum e-  
vocant pauperes juvenes, quibus cura educationis filiorum  
demandent. Et quum insignes requirantur sumptus qui  
sufficerent filiis cum studiorum Moderatore ad Scholas  
& Academias sustentandis, utrosque domi retinent; qua  
ratione numerus Studiosorum in Academiis non pot-  
est non diminui: prævaletque institutio privata in de-  
trimentum disciplinæ publicæ. Contra ea autem dum  
belli bonitrua ingravescunt, dum juvenes timent, ne  
militiae volentes nolentes adscribantur & Patres plerique  
filiorum institutioni in publico fervore vacare ne-  
queunt, eosdem ad Scholas & Academias, tamquam  
ad opportuna asyla, mittunt. Quare etiam priorum  
temporum monumenta ostendunt, tam Scholis quam  
Academiis præcipuam accessionem ingruente bellorum  
tempestate factam fuisse.

## §. VI.

## §. VI.

Præterea per ingravescensem luxum factum est, ut cives simplicitatem prioris temporis sensim dedignerunt tam in victu quam in amictu, tum etiam ut pretia omnium mercium increscat. Quanta, quæso, nunc requiritur vestium mundities, quanta varietas, quanta capillorum concinnitas, quanto lautiores quam olim epulæ. Hæc secum considerantes Parentes, quantam demum cunque filiorum gerant curam, non tamen audiunt, eos ad Scholas & imprimis ad Academias mittere, ne nimium æs alienum contrahant. Id quod de plurimis valet civibus. Qui enim pecuniario gaudent stipendio, illi tanto minus re ipsa accipiunt salarium, quanto majus pretia mercium increverint, adeoque urgente necessitate prohibentur filios a se dimittere, nisi vel per testamenta aut alio modo amplas obtinuerint opes. Qui autem redditibus prædiorum in stipendiis vicem fruuntur, eorum melior quidem est conditio, attamen quum redditus, unicuique destinati, familiae tantum sustentandæ sufficient, exiguam tantum portionem vendere, & in liberaliæ filiorum ad Academias institutionem seponere plurimi possunt. Relatum nuper legimus, quod sumptus in duos filios una cum studiorum suorum Moderatore ad Academiam Upsaliensem faciendi sint ad minimum 4500 th. cupr. sed in liberaliori educatione requirantur 6000, immo 9000 th. cupr. quotannis. Sed quam pauci quæso sunt, qui tantas summas filiis sine interitu totius familiae concedere possunt? DE-O Laus, quod in Academia Aboensi institutio juventutis nondum tanti constet, nec minimam modo allatarum summarum exæquet, nihil tamen minus Juvenes probe erudiri possunt tam in illis quæ ad solidam scientiarum cognitionem pertinent, quam in artibus elegantioribus; attamen nu-

merus Studiorum etiam apud nos recentiori ævo perquam fuit imminutus. Non equidem diffitemur, quin Juvenum, qui civitatem Academicam quotannis apud nos consequuntur, æqualis fere sit numerus, qui ante sex vel plura fuit lustra; attamen quum numerus eorum, qui Musis quotannis valedicunt, sit nunc multo major, quam olim, hinc defectus Studiosorum cernitur.

### §. VII.

Ulterius ad incrementum vel decrementum Studiosorum in Scholis & Academiis plurimum confert Doctorum vel celebritas vel socordia. Sicut priores estimationem publicam merentur, & omnes fere certant, ut filios suos in eorum tradant disciplinam; ita vicissim nemo usque adeo insipidus est, ut ignavis orbilionibus suos commendaret liberos. Hujus rei plurima adferri poscent exempla, nisi vereremur, modestiam virorum optime meritorum lacescere, nec opus est ut quis nostris credat verbis, sed egregiis illorum factis. Multum quoque ad rhombum in præsenti facit negotio ipsa disciplinas tractande methodus, quæ si plana & brevis fuerit, inanibus tricis ac subtilitatibus exempta, Juvenes ita faciles in studiis faciunt progressus, & hinc parentes excitantur, ut liberos ad Scholas & Academias mittant: secus autem si fiat, fastidium disciplinarum existit, unde numerus Studiosorum diminuitur.

### §. VIII.

Denique non erit reticendum, quod varia præjudicia, quibus animos suos fascinari permiserunt cives, in

in causa quoque sint, quod numerus Studiosorum in Scholis & Academiis decrescat. Invaluit enim Canon: Vitæ genus mature eligendum, adeoque in hospitio Carmenarum non diu est commorandum. Non prorsus improbamus hanc regulam, sed num Juvenes propterea a cultura litterarum, priusquam easdem degustaverint, sint arcendi? Num theoria inutilis vel post praxin demum addiscenda? Quomodo in vitæ genere cum suo & Reipublicæ fructu versabuntur, qui litteras contemserunt? 2:do Sibi persuadent, commercia cum pluribus esse periculosa, exempla oculis obversari, quæ molles flexilesque juventutis animos cito in devia abripiant; quare consultius ducunt, filios intra privatos lares instituendos curare. Quin prava subinde in publicis Scholis & Academiis occurtere queant exempla, non negamus; sed malum præveniri posse, non desperamus. Cordatus enim Doctor suam curam ad otia et jam Juventutis extendet & ejus ingenia utiliter ita occupabit, ut, ipsa non animadvertente, bonas horas disperdere nequeat. Sed querere lubet, numne prædictum discrimen quisque domi suæ timere possit? Num juvenes, qui aliis erudiendis præficiuntur, aptiores aut oculatores sunt, quam graves illi Viri, qui in juventute instituenda ex professo versantur? Et si illi humani quid subinde patiuntur, nonne tenax ejus memoria apud filios remanet?

Atque has, quas nunc in medium attulimus, præcipuas esse causas arbitramur decrescentis numeri Studiosorum in Academiis & Scholis plerisque: quibus alias adhuc adderemus, nisi imperiosa necessitas & facultatum tenuitas juberent, his meditationibus jam finem imponere. Faxit Supremum Numen, ut in Scho-

Scholis & Academiis nostris, gratissimis illis sa-  
pientiae ac virtutis viridariis, frequentes  
germinent Surculi, DEO grati &  
Patriæ utiles!

S. D. G.

